

維景泰元年歲次庚午閏正月丙申朔十五日

庚申

皇帝遣翰林院侍講吳節致祭于



大成至聖文宣王曰仰惟先師丕明古昔帝王
之道以正綱常垂憲萬世功德高厚與天地同
予嗣承大統祗嚴祀事用祈神化佑我治平尚
享

成化元年遣吏部右侍郎尹旻詣闕里祭文

維成化元年歲次乙酉三月庚辰朔初三日壬

午

皇帝遣吏部右侍郎尹昊致祭于

大成至聖文宣王曰惟先師以天縱之聖為文
教之宗萬世而下綱常正而世道隆實有賴焉
茲予嗣位之初景仰

惟深時申祭告永資

聖化翊我

皇猷尚享

成化十二年冬

詔天下孔子廟祀加樂舞為八佾邊豆為十二遺

翰林院學士臣王獻誥闕里祭告祭文

維成化十三年歲次丁酉閏二月己亥朔十九

日丁巳

皇帝謹遣翰林院學士臣王獻敢昭告于

大成至聖文宣王惟王生知之資天縱之聖道
德配于二儀教法昭于萬世緬懷功烈宜極褒
揚顧冕服之章數雖隆而祀享之儀物弗稱爰
考彝章參合輿輪增樂舞為八佾加邊豆為十

二盖用祭天享地之礼樂庶副尊師重道之本
意也特遣儒臣遠詣闕里用伸祭告

王其鑒知謹告

○歷代廟祀祭文附

宋仁宗天聖八年歲次庚午三月甲寅朔越庚申
四十五代孫大中大夫行尚書司封郎中新授
知單州軍兼管內勸農及管勾開治溝洫河道
事上柱國賜紫金魚袋勛謹率次代孫朝俸郎
行左司諫充龍圖待制新授知單州軍事兼管

內河隈勸農同郡牧使輕車都尉賜紫金魚袋
道輔寺謹以清酌庶羞之奠敬致祭于

祖聖至聖文宣王惟王德体上聖道尊太古歷帝
師資群倫宗主兩曜麗天四瀆橫寓爰念最軀
叨承世譜刻意弱齡伏膺遺矩筮仕聖朝策名
藝圃無德以居惟聖是怙昔蒞縣封躬持修脯
自解銅章建塵金組涉歲滋深之官勞午雖有
子孫嗣守邦土恨遠衮華徒瞻首顛既陟即臺
更直帝土覲荷隆構少寧丹府紹慶門闕授之

道輔主上續臨官崇遺補言路是開德音思普
召備諫垣日親殿庶操履且嚴斧揮有覩上贊
皇猷下幹文蠱忠孝克孚鄉校不侮內閣進班
端闈布武得請天辰試才汶濟惟勗抗章再臨
單父同別鬆墀俱分銅虎輝耀鴻都歸還故魯
林近五衢春融九鴈景物熙之原田撫之式仰
威靈奚當鼓舞集是慶崇蓋承訓詁乃竭精誠
用潔壘絜虔祭吉辰丕昭多祐惕之中心弗窮
觀縷以堯國公顏子七十二賢二十一先儒配

尚享

仁宗景祐二年孔子四十五代孫道輔祭祖廟文
維景祐二年歲次乙亥六月癸丑朔九日辛酉
四十五代孫龍圖閣直學士朝請大夫右諫議
大夫知兗州軍府事兼管內勸農事及管勾仙
原縣景靈宮大極觀提舉奉兗鄆濮濟州清平軍
兵馬衣甲使檢公事上輕車都尉魯郡開國侯
食邑一千一百戶食實封二百戶賜紫金魚袋
道輔謹以清酌庶羞之奠之奠敢昭告于

祖聖至聖文宣王道輔早持邦憲黜典淮城方
數月間迂守徐域大君之惠樂諫旌忠亦以祖
聖慶餘能守直道不寘於法儒者進則事君退
則事親忠孝之道祖教之本後嗣弗克守其孰
能行之昔曾子耕山無祿能事父母今道輔位
為大夫權任方面嚴父慈母不能歸養豈聖意
乎因西鄉拜章天德其欲詔守故魯對別休命
且厚於親者薄於位深於道者淺於利修其身
者尊其祖明於礼者先乎紀道輔不佞敢不事

親守道恭祖致祀將無忝祖聖之慶夫日月之
運天地之化不言之化也贊日月之明合天地
之功言成其化者祖聖之教也明天子北面事
之如親弟子礼固不假後昆辭而尊之然後為
貴也今魯授之政至治之初洒掃祠壇蠲潔牲
幣染盛庶品祈享厥誠惟福流於親益永其齡
以充公顏子七十二賢二十一先儒後祀配神
尚享

元仁宗延祐六年孔廟石刻大元延祐六年歲次

己未六月乙酉朔越二十五日乙酉朝列大夫
山東東西道肅政廉訪副使刘文謹以清酌之
奠敬致祭于

大成至聖文宣王惟王爰出乎類自生而知德
配乾坤道光日月總無極於覆載磅礴未悟以通
明為古今師懷帝王器全集大成之教決開宗
進之源帝用報卓式陳明薦尚享堯國公惟公
位崇亞聖韶四科鼓瑟自怡樂道為任有攀鱗
附翼之志無施勞伐善之心礼祀大賢光隆永

世尚享鄰國公惟松稟泚質名推大才立王化
之基治儒術之道遵行仁義距放邪淫垂万世
之憲言宜諸生之礼祀尚享

國朝成化八年歲在壬辰十二月癸亥朔越二十
有七日己丑述按山東監察御史林榮謹以牲
醴之儀敬昭告于

大成至聖文宣王曰天地至大也然西北或傾東
南或缺則大者有時而穷日月至明也然既中
必昃既盈必食則明者有時而晦山嶽至高也

然高岸為谷深谷為陵則高者有時而卑河海
至深也然孰隄之決桑田之變則深者有時而
竭若夫至大而無窮至明而不晦高矣而不可
卑深矣而不可竭其惟我夫子之道乎夫子之
道何人倫日用之當行者是耳前乎千万世之
既往後乎千万世之方來為君臣父子長幼夫
婦朋友者而不悖乎是焉則君仁臣忠父慈子
孝長幼有序夫婦有別朋友有信人而謂之人
國而謂之國一或悖焉則君不君臣不臣父不

父子不子長幼無序夫婦無別朋友無信人將
近於禽獸中國淪胥於夷狄矣然則夫子之道
可得而窮可得而晦可得而卑可得而竭也哉
今距夫子之生已二千年歷代之君追王而師
尊之通祀編于天下封後人以上公之爵立官
以教其子孫凡天下之人能誦夫子之言而明
其道者咸委用之大者論道經邦小者分理庶
務布列于中外我朝因之有加無已其崇德
賢尊儒重道之意可謂至矣然非以是足報稱

於夫子也蓋將以闡明世教而壽國脉也恭自
有識在誦夫子之言其於夫子之道譬猶以甕
窺天未能見其万一然非足以叨清秩而竊祿
于朝碌々無補於人國恒以孤夫子之澤是悞
茲者謬承

上命未按山東道夫子之故鄉值歲聿云暮是用
吉蠲祀事祗謁庙庭且敬陳斯道功用之大凡
使相札者聞而告之人人庶幾風教之一助尚
享

維成化九年歲次癸巳月日五十八代孫遷廣
東寺處提刑按察司僉事胡榮敢此告于

大成至聖文宣王曰惟吾夫子体道設教立言
垂範俾後世學者講明力行可以復吾性之固
有而盡天賦之所當為也然傳聞之的每出乎
家庭風化之原尤謹乎親戚故在當時詩礼有
聞中庸有作者皆道之真傳而素行可妻復詩
謹言者斯擇之為子婿自是厥後嗣世多賢續
承家孝以副歷代尊顯之意者固難悉數迨我

皇明丕崇聖教廣建學以育才重賢科以取士而
文孫公恂與榮同第進士官近侍因復為之妹
婿絲蘿托好漸次法良多迹者同應寵擢公恂位
輔清宮日侍講讀有行道之兆榮祇奉璽書督
學東廣有明道之責是家庭親戚無疆之休顧
榮愚昧於道未聞曷克荷

聖天子之委任而振吾夫子之遺教耶謹躬詣闕里
時申屢告尚冀協和陰誘予衷俾榮小子克舉
教事勸孝而孝政日興造士而士風日厚期無

忝於國命而有光於斯道牲醴薄陳度幾昭格
尚享

維成化十一年歲次乙未二月吉日山東提督李
校僉事畢瑜謹告于

大成至聖文宣王神位前曰於乎天地綱常斯
文元氣王實主之瑜奉 命東來布宣

聖天子文教於王之鄉邦敬再拜稽首於闕里之下
就王而質焉竊惟王嘗有意變齊至魯變魯至
道惜當時一變之功僅小試於魯而不用於齊

今天下一家誦王之六經者莫不尊王之道以
為治為教瑜不德無以塞明詔尚資神化以裁
狂簡俾齊魯多士咸知向道庶不辱王過化之
鄉謹告

維成化十四年歲次戊戌三月癸亥朔越十七日

巳卯工部管泉主事徐源敢昭告于

大成至聖文宣王曰惟主至德不可以名贊大
道無待乎揄揚而獨千載之上不幸不得游吾
聖人之門千載之下何幸而得游聖人之鄉

曰孰仰乎泰山之廟貌曷若躬親乎闕里之門
墻燭燼固不足以窺望日月之明而實慶幸奉
者之輝光也謹以牲帛醴果之儀式陳明薦尚
享

維成化十四年刑部郎中張文致祭告文維成化

十四年歲次戊戌三月癸亥朔越初九日辛未

欽差刑部署郎中張文山東布政使司右布政
使阮勤謹以清酌庶羞之奠敢昭告于

大成至聖文宣王惟王德並乾坤功參造化由

生民以來為獨盛自天子而下為獨尊凡在斯
人霑溉餘潤僻居遐壤者猶不忘於茲敬况親
過其門者乎文寺祇奉綸音有事東魯覓杏壇
之故跡望闕里而奔馳自擊門墻心切瞻仰敢
以菲儀用伸薦告尚事

維成化十五年歲次己亥八月甲申朔越二十六
日己酉工部奉旨濟寧散昭告于

大成至聖文宣王漢祫承

朝命來治漕河自濟寧望曲阜地方百里由丁酉

歷己亥歲忽三年近聖人之居若此其甚飲洙
泗之波如彼其久茲緣瓜期行將申命敢以牲
幣庶羞之奠恭詣廟庭用伸虔告尚事

維成化十五年歲次己亥十有二月壬子朔南京
吏部尚書錢溥奉

勅致仕偕南京右軍都督同知王銓山東兗州府
知府李鳴鳳謹以羊豕清酌之奠敢昭告于
大成至聖文宣王於維宣聖德配天地妙參贊
于一心道述帝王貫古今而一揆此其所以如

天不可階而升如日月不可踰其明集群聖之
大成而資於堯舜者也溥佩服聖教敷歷

天朝勅賜婦老敬趨闕里以陳洞酌以告厥成尚
享

維成化十六年歲次庚子二月辛亥朔越初五日

乙卯巡按山東監察御史張憲謹以牲醴庶羞
之奠昭告于

大成至聖文宣王曰惟王肇自生民以來凡為

帝王者孰不惟王是師凡後事於吾道者又孰非王

之後憲欽承

上命按臨是邦誦王之書惟恐弗逮於躬行履王之
御奚敢不先於報本方備修奉大成新教初宮肇
期至落成永昭

九重恩與茲當經始謹告

王知尚享

維成化十七年歲次辛丑正月丙子朔越十八日

癸巳五十八代孫兗州府鄒縣儒學訓導孔公
易敢昭告于

聖祖大成至聖文宣王
厚遺澤綿長以分南北
千載流芳曩有宋南渡
浙江宗親舊後喬寓
鄒庠行瞻林廟易表衷
腸謹備
茲蒙恩庇分敷鄒庠
行瞻林廟易表衷腸謹
備
牲醴承筐是將

聖祖在上既右洋洋尚享

○歷代題詠

賢宦子孫詩附

唐玄宗開元二十七年詔追謚文宣王仍出王者
袞冕之服以衣之故作此詩

夫子何為者棲棲一代中
地鄰鄒氏邑住近魯
王宮嘆鳳嗟時杏傷麟
怨道窮今看兩楹奠常
與夢相同

玄宗開元間封泰山車駕至孔子宅侍臣張說等
應制賦詩此張說應制詩

孔聖家鄉魯儒風
諳典墳龍駟過舊宅
風德詠餘芬入室神
如在升靈自問懸知一王法
今日侍

明君

張九齡應制詩

孔門泰山下不見登封時
彼有先王法今為明
主恩恩加萬乘幸禮致一牢
祠舊宅千年外光
華今在茲

宋仁宗景祐戊寅四十五代孫龍圖閣學士前拜

中丞孔道輔題祖聖詩二首

秦火自焚寧嘗聖金絲堂壁閱家書
典墳啓發
皆天意非謂共王好治居

門有詩書不彩華
素王留得好生涯
行人莫訝

顏回首天下文章第一家

國朝

洪武二年十二月二十日

太祖高皇帝因遣五十五代孫國子祭酒孔克堅代

祀宣聖回京

御製詩以遺之

孔氏曾孫祭祖回但言農務野荒開

我知蓋世民容喜必解春風每歲來

洪武三年五月端午五十五代孫國子祭酒孔克

聖因

太祖高皇帝賜扇侍宴應制詩

任節初臨悅

聖顏特將宮扇賜朝班
金花祭之星千點
玉板輝之月半弯
舒卷維時情自逸
行藏隨寓意偏閑
他手肯作尋常用
大播清風遍宇寰

洪武八年五十五代孫孔克伸因族中舉保曲阜

縣尹親至南京

太祖高皇帝命賦紫金山應制詩今名壽山是也

壓盡群山素有名
巍之雄勢獨崢嶸
數峯碧玉朝天闕
一帶螺屏映

帝京雲竇雨晴龍
虎見月若風煖
鳳凰鳴應知
聖主無疆福日
听崑崙萬歲聲

宣德十年五十七代孫雲南道監察御史孔諤元

宵應制詩二首

紫禁鰲山列翠峯
蓬萊仙景世難同
藥味宮裏花盈樹
白玉樓頭月滿空
光采瑤階春藹之香
生瓊島夜融之太平

聖主當熙運日聽蕭韶奏

九重

五雲仙卉競春風
貝闕瑤錦綉中
瑪瑙屏開金孔雀
玳瑁簾外玉芙蓉
香凝瑞彩籠

天仗月皎寒光耀

袞龍燕罷蓬萊婦

鳳閣一天星斗燦
房櫳

成化二年駕幸太學
五十八代孫賜進士少詹事

孔公恂陪班賜宴賦詩

聖主崇儒幸辟雍

鑿輿曉出

大明宮千官侍從橋門下
三氏趨陪

殿陛中宴

賜黃封人盡醉衣須錦綺
寵優隆吾家世之蒙殊

渥祖澤

君恩詎有窮

是年三月孔公恂又獻

聖駕幸辟雍頌一章頌曰

天開

皇明奄有禹方垂斯百年中葉亦昌

太祖太宗仁廟宣考四聖同功以傳以紹天祐

國家輝赫如日全以所統付之我

皇我皇御極清明在躬仁漸義摩道治德融東夷西

戎南荒吐漠曾不踰年式歌且樂

皇不以庸承以謙冲惟儒是重惟道是崇以身立教

事此臨靡乃命太常毛炮牛羊釧羹大哉有述

其芳乃命館人法駕以陳玉輅龍孫繹繹續續

龍旗揚揚和惠雍雍我

皇矣止顛叩斯容玉帛煌煌鼓鍾鏘鏘我

皇淵塞以將祀享諸侯皇皇大夫濟濟我

皇於穆載宣經理猗歟休哉地闢天開神人歡悅前

古真偕龍興而雲虎嘯而風億萬斯人於樂璧

靡璧水洋洋洋洋聖謨孔彰臣佩德音沒世不忘再

拜稽首敢作頌頌辭于以祈嘏于以祝釐祚我

皇明如日方升我

皇攸寧百千萬齡

宋

祖聖手植檜詩

孔舜亮 四十六代孫

聖人嘉異種移對誦絃堂双本無今古千年任

雪霜右旋符地順左紐象乾剛左右兩株各左右紐影覆

詩書府根蟠礼義鄉盛同文不朽高與道相當

洙泗滋荣茂龜蒙借鬱蒼毓靈全辭鍾秀極

勾芒氣爽群居席烟凝教仍墻陰連槐市綠子

落杏壇香布露周千尺騰凌上百常傍欺泮林

小遠笑嶧桐黃屹若擎天柱森如出日桑風中

雕虎嘯雲際老龍驤直欲驚魑魅端疑待鳳凰

鱗差闕華甲麟錯羽林槍大節忠臣堅堅心志

士方魯宮侵不得秦火縱何傷宣子休誇樹姬

人謾愛棠松甲虛視爵花賤在封王誰念真儒

迹何當議寵章

趙鼎 兗州府知府

擢秀真儒宅垂陰教仍墻封培因聖力茂悅得

靈長根踞龍蛇蟄被延鸞鶴翔勞躬師禹稷蔓

卓離韓莊偃蹇明堂幹蕭森岱嶽陽園欺漢武

栢栢在記泰山廟有漢武帝愛掩召公棠日月成塵劫乾坤屢戰場息感樵牧忠厚及牛羊不有神明護寧逃剪伐傷歲寒千古色宜並子

孫昌

右手植檜双立於廟屏之南垂二千年而弗忘者先其道而後其迹也近世士人或疑之遂請於府公詩以紀之亦甘棠之義也尚書祠部郎中知兗州趙鼎題熙寧丙寅歲正月二十日四十六代孫孔舜亮序并書

手植檜贊

米芾宋太常博士

帝東皇養白日御元氣昭道一動化機此檜植矯龍恠挺雄質二千年敵金石亂治亂如一昔百代公蔭圭壁

元

手植檜銘有序

宣聖手植檜燬于丙戌之火被或戕之歲久無遺後八十歲在癸巳是為至元三年額來為教授甲午春仲東廡頽陟辟堦隙間茁焉其芽躬陟

復于故處矢之曰此檜日茂則孔氏日興明年
春翠色葱然又明年丙申秩滿去喜矢言之有
相也銘以證之其詞曰

茲檜之幹高參于天茲檜之根深及于泉是為
手植自古有傳古聖伊何日歲二千氣芳而達
色殷而堅誰謂昆岡良玉以瘠誰謂斧斨美茹
以連嘉種載衍有芽其卷茁手甓間東廡之偏
乃徙故處全其天然孔氏以興矢言有焉粵若
三祀葱蔥芊芊聖道以續聖澤以延朏朏其仁

淵淵其端自今以始于億万年元貞丙申四月
甲子孔顏並三氏子孫教授司教授導江張顏
伯達善父謹書

右按曲阜志云宣聖手植檜一株在大成門
北高五丈餘圍三尺其枝盤屈如龍形世謂
之再生手植檜晉永嘉三年枯死至隋義

寧元年復生唐乾封二年又枯死至宋康定
元年復生有宋太常博士米芾石刻贊由是
觀之宣聖手植檜嘗枯死所謂高五丈餘圍

三尺者乃康定復生之擗歟又按教授張顛
所謂復于故處意康定復生擗後人燬于火
今所有者宛然龍形但無五丈高亦無三尺
圖疑即張顛所復者今石刻贊在大成門內
之右旁所復擗在大成門內之左旁亦孔廟
中之奇觀也因附着于此

國朝

吳寬 成化八年狀元

魯宮久已壞孔宅仍如新悠之二千載手澤嗟

猶存所有匪他物奇樹當高門矯々歷霜雪青
青出埃塵親承時雨化生意常欣々相傳藉文
宇烈火怪龍暴而此特萌葉挺然異其群群木
疏疏然入地高入雲尋常豈得似隱起成莖文
如人骨綯微纏依然分米蒂好奇士於道未
肯死物有述作意與石文均我來重謁拜欲
食凡物迷離多松栢斷度見詩人祖徠與新
有遺蹟失嶙峋

孔庭訖地拜有樹當軒垂根棧僅百尺上閱姬
周曦徘徊丹墀顧宣尼手親移種自闕里地灌
以洙泗池斯文續東壁藁豈秦火吹念以千載
下東家尊高捐穹碑與喬木林立如廣畦名書
製鸞電雄文炳重離回頭向東岱御帳高已卑
亦培賴初聖方非匪所宜皇天佑吾道綿遠仍
若斯維此亦木爾所敬中大山空庶
美萬年枝

孔壇老杏詩

潘禎 提學僉事

古木參天黛色新
祖庭深處自無塵
千年道德猶宗聖
百世絃歌尚有人
花戰東風成化雨
樹留西日醉陽春
遙之駐節躬瞻拜
盡是

清朝老縉紳

杏壇銘

高德裔 刺史

周室下衰王綱解
紐非大聖人狂瀾
莫救天挺夫子生
民未有立言範世
木鐸金口三千之
徒我由此受我瞻
遺壇實為教首万
代護持天長地久

○ 謁孔廟詩

宋

錢魯言

接得丹枝黼座旁至今衣袖有天香猶嗟不及
成均謝先擁朱櫺拜廟堂

國朝定制凡舉人登科後首詣國子監謁謝
先聖宣和元年九月二十四日魯言伏蒙聖恩
面賜科第十月八日拜勅於陳橋驛二十八
日躬至墳廟以成謁謝之禮中散大夫直秘

明知軍府事錢魯言

高誦 孟津人

帝王而下幾興亡銷盡繁華作戰場惟有東家
詩札在子孫萬古讀書堂

大經不幸火于秦日月曾何礙片雲月會從來
閑治亂皇天本不喪斯文

元進士

龍顏帝拜駐臺輿曾謁先師舊宅居孔道日隆

王業成秦坑火冷霸圖空傷筆絕賦
載筆藏科以書還憶宋金仁聖主崇文

車書

又詩

東遣嘆秦離篤生元聖在當時六經載籍
斯文主萬世彼宗帝者師慶衍魯邦綿子姓
轍環矣亦仰容儀竭未瞻拜墻門下得逢平生願

學私

楊奐 元河南諫官

會見春風入杏壇奎文閣獨憑欄淵源自古尊
洙泗祖述何人似孟韓竹簡不隨秦火冷指林
空倚管城寒飄零蹤跡千年後無分東西老
一筆

韓文獻次韻

萋之野草翳雲壇回首尼山一凭欄空想文風
復鄒魯豈知俗學尚申韓虛堂書寐禽聲雜高
閣春深檜影寒樂道獨憐紫陽子忘情軒冕羨

壺簞

劉詡次韻

乘閑策杖上郊壇絕勝登樓靜倚欄千古遺蹤
思孔孟百年雅集數揚韓泉通鰲背波汶冷月
照龍門夜色寒此去關西有東魯柳塘沙路走
虛簞

劉憲淵 蓬山人

七十遑々席靡安周流列國始旋轉發明天理
見經旨整頓人倫窒亂源比德唐虞賢更遠齊
仁覆載道弥尊君王師範渾無報世々榮封裕

後昆

蔡文淵 東平人

翼々素玉宮棟宇明朝曠澄心一瓣香拜奠謹
如儀上願國祚昌文教振一時下願民安業風
俗變純熙吾道亘天地綱紀斯民秉血食編海
宇巍々帝者師師生無肖但瞻企遂所期從容
舞雩風婦詠樂無涯

陳祐 元山東按察使

聖道如天不可階聖門良為後人開他時點檢

生平樂首憶奎文閣上來

謁廟歌

周伯琦 元翰林修撰

闕宣尼宅儒林札樂區右文昭代感報德聖
恩殊天語頒中禁星輅發上都內廷香繞案
光祿酒浮壺持節慚專對于原慎載驅秋陽
稀穠穡晝路足槐榆歷由濟汶行望泗
洙岱宗標近甸魯殿沒荒蕪不見三家采雉
餘五火衢祀嚴柔日通林近絕晨趨屏堦依
修身危臺記舞雩南宮及象紉書閣壓城闕

兩幾經年為牧于茲久脩車愧不先德存宣父
在裕及子孫綿昭代尤加尚明庭已降錢梗楠
會山積棟宇見星連札樂從斯盛蘋藻且致虔
斯文應未墮吾道日平々

范震 兗府推官

玉振金聲仰素王此生何幸謁門墻
崑々道德乾坤大取々文章日月光
措木四時榮俎豆檜枝千古蔭瓊
璋淵源洙泗聞孫衍豐々吾伊舊
講堂

謂廟贊有序

周伯琦翰林修撰

聖人與天地相為体用仰日月星辰之光天
不可階而升也誦其言服其行聖道微亦罕
得而造也比司軍政過闕里祇謁林廟深感
夫聖人天地同功易位之大礼而還題名於
壁間以著景仰之至贊曰

於戲天地吾知其至大也料教莫逃乎管堯
江河吾知其至廣也泳游不過乎航葦吾夫
子之德出乎其類拔乎其萃自生民以來未
之有也不江不河潤則有餘非日非月光無
不及微夫子則不知其所以始微夫子則不
知其所以終儀範百王憲章後世祀典崇奉
歷代有之孔林茂密子孫保之禮真廟親神
其敬之故用是以誌

國朝

彭勗山東副使

秦漢吳光美獨存斯文萬古配乾坤沂流泗水
子請晉聖道淵源孰與倫

皇國成榛莽惟餘闕里存年深林愈茂世遠道
彌尊地湧奎文閣天開毓奉門問今承繼教六

十代仍孫

李卞 嘉州人

轍還天下去遲遲忘食忘憂老不知道李振揚

天地鐸文章經緯

帝王師騰蛟起鳳周文廟擊玉敲金漢古碑獨有

素王臺上月夜深猶似照當時

汪舜民 乙未進士

彌尊地湧奎文閣天開毓粹門問今承繼教六

十代仍孫

李卞 鵝湖人景泰初年涑水訓導

轍環天下去遲遲忘食忘憂老不知道學振揚

天地鐸文章經緯

帝王師騰蛟起鳳周文廟擊玉敲金漢古碑獨有

素王臺上月夜深猶似照當時

汪舜民 徽州府人成化乙未進士拜監察御史

幾載窓前讀舊書今朝方造杏壇居豈碑書在

文明日老撻還同手植初秦火暫焚亡二世宋
星復聚啓諸儒升堂欲繼三千志駘駕庸材愧
不如

張蕙 太原人成化十六年
巡按山東監察御史

殿陛周旋礼弄施喜逢春届上丁時便家憲使
初無約陪我文寮素有期群鳥不棲親植檜五
雲常護

御封碑古今倫理歸名教皞々秋陽萬世師

張麟 山陰人洪武十
五年山東僉事

道德巍々聖乃神乾坤無不籍陶甄三千礼樂
扶名教二百春秋止乱臣落日每懸庭檜晚晚
風長挹杏壇春得瞻聖像何多幸敢把微名與
勒頌

黃仲芳 建安人正統十
四年山東舉人

城荒何處覓靈光宮殿依然切昊蒼雲捲畫簾
明袞冕風生老撻發天香奎光星漢昭千古道
統義虞冠百王元氣斯文天地並世民萬世賴
綱常

徐源長州人咸化十
六年工部主事

廟庭曾拜學宮傍今日真登闕里堂六十年代孫
隆聖澤二千年栢葦空蒼題名石刻多文字駐
蹕亭來幾帝王湯之乾坤誰共久尼山顏色秀
東方

吳啓霍州
正

德配乾坤冠百王儼然遺像萬春陽杏壇已廢
琴聲久檜樹猶含手澤香道載六經垂萬世教
明五品正三綱平生景仰酬深願彷彿當年立

當途双表立崔嵬濕莽製烟翠作堆試問林間
翁仲輩樂者登路入林來

孔林圖序云集賢待制周侯脩禮于孔林侍
讀學士商公畱之史官揭葵詩之曰

峩峩尼山蔽于魯邦薦生聖人維民之綱尼山
之下有洙有泗有蔚孔林在泗之浚維彼聖人
教之誘之凡厥有民則而效之維彼聖人覆之
載之凡厥有民敬而愛之既誦其言亦被其服
孰秣其馬于林之側既誦其言亦履其武孰秣

其馬于林之下六轡既同周侯之東薦之侑之
聖人之宮其音洋洋其趨踰其臨皇之聖人
允臧商民而之式昭其敬載瞻載思罔不由聖

大定間某題 載廣記

聖矣生民未有如賢我遠更邁唐虞道光萬代
何其偉師範百王誠不誣廟宇深嚴無雀噪墓
林陰翳有神扶中庭再拜陞階陞瞻仰徘徊到

日晡

宋進士某題 載廣記